

الأسرار الثمانية لفهم القرآن | كتاب المراحل الثمان لطالب فهم القرآن | أتعلم الأسرار تجبيه | علاء حامد

علاء حامد

الحمد لله وشهاده ان لا الله الا الله وحده لا شريك له. وشهاده ان محمداً عبده ورسوله ورسوله صلى الله عليه وسلم اما بعد آآآ هذا الدرس الاول في مدارسة كتاب المراحل الثمانى - 00:00:00

طالب فهم القرآن. احنا كنا وعدنا نبدأ سلسلة في اه فهم القرآن. دي مش سلسلة عن عن زي احنا خدنا قبل كده رسالة في التدمير. خدنا اول تدبر بتاعة الدكتور سعيد الزهراني. وخدنا حته من رسالة خلاصة تدبر القرآن لخالد عثمان - 00:00:20

السبت دي مش بتتكلم في القضية ديت مش في وسائل التدبر ومقصد التدبر وال حاجات ديت لا بتتكلم في موضوع تاني احنا كنا يعني بدأنا وحطينا ان من آآ الحاجات التي تعين على التدبر فهمك للتفسير. وقلنا ان دايماً احنا دايماً نقول مما يعین على التدبر مسلا حضور القلب والسمع - 00:00:40

والترتيب والصلوة بالليل وطهارة القلب. والخشوع كلام كتير كله يمكن تطبيقه سهل. يعني ممكن في يوم وليلة اعمل الموضوع دوت. وبيجي بقى في النص كده لما بنقول ان مما يعین على تدبر القرآن ان يفهم التفسير. فبنقول فهم التفسير واقرا تفسير كذا وتفسير كذا. والسلام عليكم ورحمة الله - 00:01:00

فييجي يصاحبنا في الحته دي دايماً بيقف يعني بيقول بس انا هقرا تفسير بس بحس ان انا مش بفهم يعني او في تفاسير كده مش عارف هي ماشية ازاي يعني - 00:01:20

التفاسير ده هيتقرا ازاي؟ صح؟ فيه تفاسير سهلة يعني يبقى المعنى واضح حتى المعنى الواضح بيبقى هو مش مش مدرك ابعاده. يعني من الحاجات مسلا الناس افتقراها اه ميسرة تفسير السعدي مسلا يقول لك تفسير السعدي ده تفسير ساهم. هو الحقيقة هو تفسير سهل وممتنع. يعني اللي يفهم تفسير يعرف تفسير السعدي ده - 00:01:30

عميق جداً. ان هو بيجمع في عبارة بسيطة كده اقوال السلف. يعني ممكن تقرأ ابن كثير تقدر تقرأ صفحة تقرأ سطرين في الساعة دي تلقيها لكل الكلام اللي ايه - 00:01:50

الفيمني كثير فهو عامل معجزة يعني. هو مش مش للدرجة دي. فممكنا واحد يقرأ المعنى ببساطة يفهم حاجات ايه؟ بسيطة. لكن ما رأي المعاني دي؟ لازم واحد يكون قاري - 00:02:00

ابن كثير بقى واقري حاجات كثيرة عشان يعرف السعدي ده عمل ايه. بس انا عايز اقوله ان ممكن حتى المعنى البسيط اللي انت تقرأه لا وراه حاجات انت ما فهمتهاش لان انت مش معكش ادوات التفسير - 00:02:10

فضلاً انت تقرأ كتب من كتب بقى المتقدمة زي الطبرى او ابن كثير او كده. طبعاً تحس بغرابة شديدة. ايه قال ابن عباس وقال قتادة وقال مجاهد ايه ده هو فين التفسير؟ هو ده تفسير؟ هو هو يعني فين التفسير يا عم؟ صح؟ فانت بتحس ان انت غريب عن التفسير. يعني المفترض ان كثير ده يعني عدمة - 00:02:20

تفسير مرجع كل اللي عايز يفسر بيرجع تيجي انت تقرأ تقول عن الحار ابن كثير تلقي اسانيد وعنونات و بتاع وبعد كده قال فلان كذا و قال فلان كذا هو ايه كل التفاسير دي. طب ما تقول كلمة وخلاص. طب ما تقول لنا الخلاصة. فتحس ان انت ايه لا انت كده مش مستوعب ايه اللي بيحصل. بقى انت محتاج شوية قوانين او شوية قواعد شوية - 00:02:40

يعني حد يفهمك هي الايه الفولة فين؟ يعني ايه فين الز-tone عشان نعرف نشتغل؟ لما اجي اقرا تفسير ما احسش ان انا غريب واعرف ازاي التفسير بيتفهم واعرف بعد كده لما اقرأ تفسير ازاي اقدر آآ استوعب اقوال السلف؟ هل اقوال السلف فيها تعارض؟ هل ينفع اجمع بينهم؟ طب هو ليه هم كانوا بيقولوا كلام - 00:03:00

حسن ده غير ده غير ده. طب ازاي احكم على لو حصل تعارض؟ ازاي اقدر ان انا ارجح؟ واعرف ايه الصح وازاي ان انا اقرا تفسير اقدر يعني - 00:03:20

الكلام بقى هنيجي واحدة واحدة. هنفهم تقدر بعد كده بعد الكتاب دوت هتلالي كتب التفسير بقت سهلة. بقىت فاهم ايه اللي بيتفقال دوت؟ وليه الجملة دي اتفقالت؟ وليه هو واختر القول دوت عن القول دوت هتبقى شوية قواعد. فهي الرسالة دي خلاصتها ان هي توصلك ان انت معك بعض الادوات المبدئية طبعا - 00:03:30

الموضوع اكبر من الكتاب دوت. لكن معك ادوات مبدئية انك انت تقدر تفك الخط في اي تفسير. ممكن تقرأه ان انت هتعرف شوية قواعد كده. فهمتها هتقدر انك انت تتعامل مع التفسير بشكل احسن. فهو صاحب الكتاب طبعا آآ الدكتور عصام العويد عصام العويد.

كتاب المراحل الثمانية - 00:03:50

طالب فهم القرآن. الكتاب موجود على النت بدي اف. وغالبا هتلاقوا الطبعة اللي هي في ايدي. وهي طبعة اه مركز تدبر. طبعة مركز تدبر. ليه انا بقول الطبعة عشان يفضل ان اللي هيتبعني على النت او هينزلها بي دي اف ينزل نفس الطبقة عشان يمكن انا وانا بشرح اقول لك في صفحة كذا صفحة كذا صفحة كذا تمنتasher خمنتasher - 00:04:10

لو انت نزلت طبقة مختلفة ممكن مش هتبقى نفس الصفحة يعني. لكن لان انت كلكم معكم اللي بيحضروا دلوقتي معكم الطبعة اللي معندي. فممكن احيانا اقول الصفحة فاللي عايز لو حد بيتابع على النت هيمشي معايا بالصفحة يبقى يتتأكد ان نزل ايه طبقة مركز تدبر او مكتوب تحت هيلالي دار الحضارة - 00:04:30

مشروع التوزيع. صاحب الكتاب بدأ مقدمة لطيفة. بيتكلم فيها عن اه كتاب الله سبحانه وتعالى. وان هذا الكتاب الله سبحانه وتعالى وصفه بانه النور. فاحنا عايزين خلال الكتاب ده نعرف - 00:04:50

ازاي نوصل للنور دوت؟ ان احنا بنسمع القرآن نور شفاء هدى رحمة. ثم عند التطبيق والنزول على ارض الواقع ان تجد هذا بهذا القدر مش لان فيه اشكالية في الكلام ده او الكلام ده مبالغ فيه مثلا. لكن انت مش عارف تطلع النقطة - 00:05:07

مش عارف تطلع الهدى دوت ما عكش الادوات اللي تفهم بها كتاب الله. والادوات اللي معك المحدودة بتبقى انت شغال بها على قد ادواتك تاني مش بتعيش قوي مع القرآن او مش بتقدر فعلا توصل للدرجة دي من الشعور بالسكينة والراحة والنور الهدایة وغير ذلك - 00:05:27

ربنا قال فامنوا بالله ورسوله والنور الذي انزلنا. وقال تعالى يا ايها الناس قد جاءكم برهان من ربكم. وقال قل يا ايها الناس قد جاءكم الحق من ربكم وقال يا ايها الناس قد جاءتكم موعظة من ربكم وشفاء لما في الصدور وهدى ورحمة للمؤمنين - 00:05:47
فبيقول بقى الشيخ في المقدمة في صفحة حداشر بيقول تأملت في احوال امة محمد صلى الله عليه وسلم بيقول تأملت احوال الناس وعلاقتهم بالقرآن يعني علاقة الناس بالقرآن قال لي هم تلات اقسام. القسم الاول قسم اعرض عن كتاب الله تعالى. لا ينشغل به ولا - 00:06:07

بيالى به وليس له همة لا في مطالعة ولا في تفسير ولا في قراءة. ولا في تبعد حتى ما يهتم بالقرآن. بيقول وهؤلاء النبي صلى الله عليه وسلم يوم القيمة. الذين قال الله فيهم وقال الرسول يا رب ان قومي اتخذوا هذا القرآن - 00:06:26

انا مهجورا. فمن هجر القرآن هجر التلاوة هجر العمل هجر التدبر. هجر التعليم هجر الدعوة الى معاني القرآن هجر الدفاع عنه في انواع كتير من هجر القرآن لكن في واحد معرض عن كل الانواع لا قراءة ولا تدبر ولا صلاة ولا تبعد ولا ولا فدوات هو خصم النبي - 00:06:46

عليه الصلاة والسلام يوم القيمة الذي سيشتكي النبي عليه الصلاة والسلام الى الله منهم ان قومي اتخذوا هذا القرآن مهجورا. وقال

طبعاً احنا مش بنكلم الايه الصنف دوت. الصنف الثاني قسم يقرأ كتاب الله تعالى للتلاوة فقط. يعني بيقرأ للتلاوة عايز يررق قلبه.

00:07:06 - عايز يعني يطلع -

ثلاثة كده بس وخلاص. يعني ما علوش همة في فهم التفسير واقوال السلف والكلام دوت. وبيقول القسم ده عملنا له رسالة تانية.

فاكرين الرسالة قبل ديت اللي نصحتنا بها لعاصم العويد برضه هي فن التدبر. مش احنا اتكلمنا في رسالة اول تدبر بتاعة نايف

الزهراني قلنا في رسالتين حلوين برضو زيها - 00:07:26

رسالة فن التدبر لعاصم العويد. ورسالة الخلاصة في تدبر القرآن للدكتور خالد عثمان. هو بيتكلم عن ديت. يعني هو بيقول اللي بس عايز يتلو القرآن كده بس ومجرد التعبد ويطلع بمعاني يسيرة ويررق قلبه كده. عملنا له الرسالة ديت. بيكلم كيف تتدبر القرآن. بس ما

اتكلمش عن آليات التفسير والكلام دوت. وبيقول دوت مش - 00:07:46

الرسالة دي مش بيكلم اللي هو عايز بس يقرأ ويتدبر ويصلّي وخلاص. لا هنتكلم في واحد بقى الثالث اللي هو طالب العلم. طالب

العلم اللي هو له همة في قراءة في كتب التفسير. هنا بيفتح بقى عايز يفتح ابن كسيير. بيفتح الطبرى بيفتح حتى ايسر التفاسير.

يفتح حتى يعني اه اه من السعدي. ليه - 00:08:06

همة في قراءة التفسير عنده شغف ان هو يقرأ في كتب التفسير فيبيقول لكن يشعر انه ما زال بعيداً عن التدبر الحق لهذا الكتاب بيقرا بس هو مش بردو مش بيوصل يعني حاسس ان انا آآ المفروض افهم ايه يعني؟ يعني لما انا قريت الكلام ده ايه اللي انا فهمته؟ وايه

اللي زاد عندي؟ انا قريت بس حاسس ان انا ما وصلتش - 00:08:26

فيبيقول احنا بنساعده ايه؟ هنساعده يوصل بيقول احنا المفروض نجاوب بعد اللي يجي معنا في الرسالة دي هيكون جاوب على تلات

اسئلة مهمة. ونكون جاوبناه على تلات اسئلة. السؤال الاول كيف فهم - 00:08:46

سلفونا هذا الكتاب المهيمن. وكيف كان حالهم بعد ان فهموه. ازاي فهموه ايه الادوات اللي استعملوه عشان يفهموا الايه؟ الكتاب دوت

السؤال الثاني لما نقرأ كتب التفسير ولا ندرك المعنى العظيم لآيات هذا القرآن العظيم. يعني لما لا نستشعر اعجاب - 00:09:02

كلام الله تعالى عند قراءتنا له. مع يقيننا التام بأنه معجز. اللي احنا مش فاهمين المعجزة القرآنية ديت ثلاثة كيف يكون القرآن العظيم

هادياً لنا؟ وفيصلاً بيننا في كل شئوننا العقدية التعبدية اجتماعياً اقتصادياً - 00:09:22

الامنية السياسية الاعلامية والذاتية ونحوها. بعد كده هييطلق معنا بيطط الاول اصل مهم قبل ما نتكلم على اه المراحل الشمان عشان

هو لما يقول لك مراحل السمان هيقول حته كده لازم يقول المقدمة دي قبل ما يقولها. وهو ما الفرق؟ يعني مما يتكون القرآن -

00:09:41

القرآن يتكون من جمل ليس كذلك. والجمل تتكون من من كلمات. والكلمات تتكون من الحروف. يبقى احنا عندنا حروف كلمات جمل.

الكلمات يوصل بينها بحروف ايضاً زي من وعلى وما وفيه. فيبيقول احنا لازم نفصص الحته دي الاول علشان تفصيص الحته دي

هيفهمنا - 00:10:01

حاجة مهمة وهو ان هناك في القرآن حروف تسمى حروف مبني وهناك حروف تسمى حروف معاني. ما الفرق بين كلمة حروف مبني

وحروف معاني؟ حروف المبني هي الحروف التي تتكون - 00:10:31

من الجملة. والحرف ليس له معنى في زاته. يعني لو قلت محمد ميم وحاء وميم ودال. هذا حرف مبني اتبنت منه كلمة ايه محمد

تمام؟ فيتسمى الميم ده حرف مبني. اتبنت به الكلمة. لكن هل ميم لوحده له معنى؟ ليس له معنى - 00:10:48

لو قلت مسلا باسم يتكون باء والف وسین وميم لكن باء لها معنى ما لهاش معنى. لكن لو قلت باسم الله باء هنا لها معنى لها

معنى. الباء تدل على الايه؟ على الابتداء او الاستعانة. ابدأ باسم الله - 00:11:08

او استعين باسم الله. اذا الباء في باسم ما كنش لها معنى. لكن الباء في باسم الله بقى لها معنى. عشان كده بيقول لك في في حرف

في القرآن اسمه حرف مبني. وفي حرف الخلاء اسمه حرف ايه؟ معنا. يعني حرف المبني لا يبدل على اي معنى. لو خدته لوحده كده

قلت لك ده يفيد - 00:11:34

اقول لك ما يفيدنيش في حاجة. محمد الميم افادتنى به ولا حاجة. باسم البه فيه لها فايدة؟ رغم ان باسم شبه باسمه. صح؟ لكن باسم البه لأ دي دلت على اي حاجة؟ لأ ما دلتنىش اي حاجة. افادتنى في حاجة في المعنى زودت حاجة في المعنى لأ هي بس كونتلي ليه؟ كونتلى كلمة بس فالباء دي هتتسمى حرف ايه - 00:11:54

هل تفید الابتداء - 00:12:14

الباء تفيد الاستعانة. واحد بالك؟ مسلا بيقول بقى حروف المعاني زي مسلا يريدون ليطقو الله. اللام دى يسموها لام الایه؟ لام التعليل يريدون ليطقو نور الله. لام الایه؟ لام التعليق. غير مسلا قوله تعالى وآمثلا آآ - 00:12:34

ليكون لهم عدوا وحزنا تمام ليكون لهم عدوا ان فرعون وامان وجنودهما كانوا خاطئين. لما رينا سبحانه وتعالى قال ايه؟ قال ونزيد
ان نمن على الذين الصفر وايحيانا الى ام موسى - 00:12:59

00:12:5

الارضية فاذا خلت عليه فالقيه في اليم ولا تخافي ولا تحزنني انا ارادهم اليك وجعلهم يبسطون. فال نقطه الال فرعون ليكون له عدوا وحزنا. هنا اللام دي لام تعليم لا ما حتى مش منطقى. هم ال فرعون التقىوه. ليكون لهم عدوا وحزنا؟ يعني هم لما التقىوه كانت علة القطاط موسى - 00:13:14

00:13

لأم عاقبة او لام السيرورة. يعني اللام التي تفيدك ما الذي سيحصل؟ او ما الذي صار اليه الامر بعد ذلك؟ شف - 00:13:39

للام بس اللام دي لها ايه؟ معنى تاني خالص. يريدون ليطهئوا. دي لام اسمها ايه؟ لام تعليم لكن ليكون لهم عدوا
وحزننا دي لام ايه؟ صيرورة لام عاقبة. الكلام ده دلوقتي مجرد المعلومة - 00:13:59

00:13:59

فاههم ان في حاجة اسمها حروف معاني - 00:14:19

00

بتقول ايه لام ولام ايه موضوع اللام ده؟ واللام ده وممكن يكون سبب الخلاف؟ خلافهم في الايه؟ في معنى الحرف. هل الحرف ده افاد ايه ويبقى انت فهمت كمان لما تيجي تقرأ مسلا اقوال السلف تقول واختلفوا بسبب اختلافهم في معنى الحرف. هل افاد كذا -

00:14:31

ولى افات كزا فعلى اثر ذلك فلان قال كزا فشوافت كلمة فهمك لحروف المعاني ازا يفرق في فهمك انت للتفسير لوحدك. او على الاقل لما تقرأ اقوال السلف تعرف ليه ده قال كده؟ وده قال كده. فلما يجي الشيخ يشرعك يقول لك والله عشان - 00:14:51

00:14

اختلافوا في اللام ما تقولوا ايه اختلفوا في اللام يعني. هي اللام فيها ده حرف هيختلفوا فيه ايه؟ ما هو ده مش حرف مبني ده حرف ايه؟ معنى وطالما حرف معنى - 00:15:11

00

سيحتمل معاني ممكن تبقى لم تعلي ممكن تبقى لام سيرورة وهكذا. خدت بالك مسال مسلا آآ وما يدريك لعله وما يدريك لعله ايه؟
يذكر. آآ وما يدريك لعله يذكر مسال مسلا ما يدريك لعله الزكا ممكن يختلفوا في ما ديت تفید الايه؟ تفید الاستفهام ولا غيره هيأتي بقى
ايه؟ مسال بعد كده - 00:15:21

00:15:21

كلنا مسال ودخل المدينة على حين غفلة من اهلها. على حين. هل هنا عالة تفید الاستعلاء؟ يعني هل هو راكب حاجة اسمها حين غفلة. زي ما دخل مدينة على حمار. ودخل المدينة على حين. هل حين ده حاجة كان راكبها مسلا واحد ممكن - 00:15:49

00:15:49 - ممکن واحد مسلا مسلا راکبها کان حاجة ده حین هل حین

افهم كده يقول وحين هذا حيوان كان يعيش في مصر فممكن انت ايه طب ايه اللي يخليني انكر التفسير ده؟ نقول هنا على ما تفیدش الایه زی زی مسلا دخل المدينة على حمار مسلا. لكن حين ده ممكن بقى واحد يشطح. وحين غفلة يقيل انه حيوان اسطوري.
يلا بنا بقى - 00:16:09

بنا بقى - 00:16:09

وايه اللي يخليني ارد تفسير زي دوت؟ اقول والله على هنا اصلا ما بتفيدش ليه؟ ما بتفيدش ان هو الاستعلاء او الفوقية. انما انما تقيد الايه الظرفية على حين يعني في وقت غفلة يعني. لكن لو قلت الرحمن على العرش استوى. هل تقيد الظرفية - 00:16:29
انما تقيد الفوقية والاستعلاء. مش كده؟ شفت بقى ايه؟ حرف اهو. هنا على حين غفلة. الرحمن على العرش استوى. ببقى الحروف ديت من وعلى وفيه وما والباء ده موضوع كبير في التفسير عايز ان انت تتركز فيه. لانك انت لو فهمته كويس - 00:16:49
تفهم حاجات كتير قوي في تفسير وتفهم سبب الخلاف وتفهم لوحدك لما تقرأ ايه اللي بيقولوه في التفسير دوت تبقى سهلة معك. فعشان كده بيقول مهمة قوي ونعرف ايه الفرق بين الحروف - 00:17:09

تاني حروف الایه؟ المعاني. سهلة كده نعديها؟ نعديها. فيبيقول لي ببقى اذا الجمل تتكون عندي من الاتي. حروف مباني هتكون لي كلمات والكلمات تتحط تتواصل بحروف معاني يعني عندي حروف مباني - 00:17:19
مسلا ايه آآ خلاص دخل المدينة على حين. دخل دال خائلان. دي شوية حروف مباني كواياتي دخل. المدينة كذلك حروف مباني كوايس للمدينة حين جم كلمة غفلة كلمة ووصل ما بينهم بايه؟ على فعل ده حرف ايه؟ معنى. ببقى اذا انا عندي حروف مباني بيتكون كلمات - 00:17:36

والكلمات بيتواصل بينها بحروف ايه؟ مع ان. حروف المباني تتكون كلمات ووصل الكلمات بحروف معاني تتكون عندي جمل بقى القرآن يتكون جمل. الجمل وراء بعض ده هنسمه ايه؟ سياق سياق الكلام. ان الجملة دي جه وراها الجملة دي. السياق مش كلمة وراها كلمة. السياق جمل - 00:17:59

جملة وراها جملة ده اسمه الایه؟ السياق. لان السياق ده برضه حيجي لنا في القواعد. لازم علشان يساعدك على فهم التفسير انك تفهم السياق كلمة السياق دي بيفسروها بكلمتين. سهلين قوي. ما هو السياق؟ يعني ايه السياق؟ قال لك السياق - 00:18:22

خدى الكلمتين وبعد كده اشرحهم. هو السياق واللحاق شكرا ما فهمناش اي حاجة. بس اكيد انت فهمتم. انا شاورت. انا دلوقتي بقول ايه هو الجملة دي جاية في انهي سياق؟ يعني بقول لك بص ايه؟ بص - 00:18:42

قبلها وبص ايه بعديها هو ده السياق علشان ممكن تبص فتروح مغير كلامك تقول لأن المعنى ده ميستقيمش مع السياق فالسياق هو السياق يعني اللي قبل الجملة ديت واللحاق اللي هو بعد الایه؟ الجملة ديت. ففهمك لسياق الكلام بيفرق معك - 00:18:57
في فهمك للتفسير او احيانا الترجيح احيانا بيحصل تعارض بين اقوال السلف. فممكن المفسر يقول والقول الراوح كذا لانه المواقف للسياحة طب طبعا انت تبقى قاعد ايه؟ الله ينور مش فاهم ايه اللي بيحصل صح؟ وممكن جملة زي دي تعدي عليك في تفسير تقول والراوح كذا لانه المواقف للايه؟ للسياق فانت موافق للسياق - 00:19:17

تعديها وخلاص حسبنا الله ونعم الوكيل في اللي انت بتقولوه. صح؟ فليه؟ لان انت ما حدش اداك الایه المفتاح دوت. يعني ايه الموافق للسياق؟ فهمني بس وفق السياق عن المفسر بص للقبل الكلام قبل الجملة دي وبعد الجملة دي لقى ان القول الفلانى ده بعيد قوي ومتكلف قوي - 00:19:37

يقول لك لأن ده قول مرجوح. والراوح الثاني لانه الانسب والاليق بالایه؟ بالسياق. اللي هو السياق والایه؟ واللحاق. سهلة دي سهلة. ببقى انا عندي حروف مباني كونت كلمات واتوصلت بنا بحروف معاني كونت جمل. الجمل بقى فيه جمل ورا جملة ورا جملة ورا جملة - 00:19:57

ده اسمه الایه؟ السياق. الجملة قبلها وبعديها اسمه السياق واللحاق. هو ده الایه؟ هاتي مع السياق وت تكون الایات بقى بالایه؟ بالالایه؟ بالقصص ديت. هو كده القرآن بيتكون من الایه؟ من الحاجات ديت. تفاصيل الحاجات دي. افهم. هتفهم الكلمة. ما هو كده طب خلينا ما نستعجلش. بيقول الكلمات دي بقى متصلة - 00:20:17

باكم وجه واحد عبارة واتم معنى لا اختلاف ولا تناقض ولا اضطراب انما هو محكم مبين فرقان مثاني يصدق بعض بعض. هو ده الاعجاز انت تجد كل ده ما فيهوش اي خلل ولا اضطراب ولا لا اختلاف. وهو على احکم ما يكون. قال تعالى - 00:20:37

ونزل احسن الحديث كتابا متشابها مثاني. تمام؟ بعد كده بيقول لنا آللله تعالى قال ونزلنا عليك الكتاب تبيانا لكل شيء. طيب تبيان
لكل شيء يبقى انا محتاج ان انا اجتهد في فهم هذا التبيان - 00:20:57

عشان اطلع ان ربنا بين لنا كل شيء في هزا القرآن. طيب التبيان ده هيبيقى بالبساطة دي بالسهولة دي ان انا مجرد ما اقرأ قراءة عابرة
فهم كل حاجة انما الاقي الموضوع محتاج مجهد. عشان كده بيقول لنا بعديها على طول كلمة ابن مسعود الرائعة من اراد العلم -
00:21:14

القرآن فليثور القرآن. فان فيه علم الاولين والآخرين. عشان كده الامام مسروق ابن الاجدع كان بيقول ما من شيء نسأل عنه الصحابة
الا وعلمه في القرآن ولكننا عجزنا عن الوصول اليه - 00:21:34

يعني بيقول احنا بنسأل الصحابة ليه؟ هم الصحابة يعرفوا دين غير الدين بتاعنا؟ هم الصحابة لما هيجاوبوا لنا هيجيبوا اجاية من
غير القرآن والسنة؟ طب احنا تسائلهم ليه؟ قال لي ان احنا عاجزين. هم قدرروا يعملوا تصوير للقرآن اعلى مننا - 00:21:54
فينسألهم يجيبوا لنا الآية اللي انا قاربها الف مرة. ويقول لي الدليل كذا. وانا اقرأه الف مرة. وما عرفتش ان دي الدليل في فرق في
درجات في العلم. فيبيقول ابن مسعود اللي عايز العلم كله يشتغل على القرآن جامد بس مش شغل سطحي تسوية عين تصوير تصوير
زي ما انت ايه بتعمل حاجة - 00:22:12

كده بتجيب تراب كده وتروح تقعده ايه تقدر تقلبه كده وتدور هنا تفتيش يعني تصوير يعني ايه؟ تفتيش لكن
انت زي ما سنة تيجي تقلبها كده وتقلبها كده وتقلبها كده وتبص لها من الناحية دي شوف السياق وتشوف الكلمات
وتشوف مش عارف ايه وتشوف علاقتها بالصورة وعلاقتها باللي قبلها وعلاقتها كل ما تبص بص - 00:22:30
وتشوف التقديم والتأخير والأساليب والحرف والمعاني والسياق والتفسير الموضوعي كل ما تبص من ناحية تلقي ايه معاني تطلع
لك تطلع ممكن من الآية بعشر فوائد عشرين فايدة تلاتين زي ما ربنا يفتح عليك. وكل فايدة علم علم جديد. عشان كده مسعود
بيقول بقى اللي عايز يشتغل على القرآن يثور - 00:22:50

القرآن يعني يفتش فيه وينقر ويبحث حتى يجد مقصوده. عشان كده الامام الشافعي واحد وقفه مرة قال له هات لي دليل على
الاجماع امن القرآن هات لي دليل على الاجماع من القرآن. الشافعي قال مسكت المصحف من اوله قراه رايه جاي رايه جاي وادور.
حتى وجدتها - 00:23:12

فعاد الى السائل وقال قال الله تعالى ومن يشاقق الرسول من بعد ما تبين له الهدى ويتبين غير سبيل المؤمنين الوليمة قال له بقى
سبيل المؤمنين هو الایه؟ الاجماع لان الاجماع هو ما اجمع عليه المؤمن فاللي يخالف الاجماع بقى - 00:23:33
عقب ازا الاجماع حجة. شف لهاها ازاي ربنا حزر اللي يخالف سبيل المؤمنين. طب سبيل المؤمنين هو ده الایه؟ الاجماع وربنا هدد اللي
يخالف سبيل المؤمنين. بقى ازا الاجماع حجة. صح؟ فقامت اللفة. وآكذلك يعني. آ - 00:23:53

وقال ايضا ابن مسعود ان هذه القلوب اوعية فاشغلوها بالقرآن ولا تشغلوها بغيره. وقال شمر تثوير القرآن قراءته ومفاتحة فما به في
تفسير ومعانيه. يعني مش هتقعد مع نفسك برضو ما انت تقدر تسائل في العلماء وتحضر دروس وتسأل ده تلقي عالم اكبر
تحضر له - 00:24:13

وتقرأ كتاب اكبر وبعد كتاب اكبر وتتدرج في الكتب. لغاية ما ايه؟ ما تزداد عندك المعاني. تمام؟ بعد كده يعني اه خلينا نخش
بقي على طول على مراحل السان. انت تقرأوا الاسر بتاع آبن تيمية دوت الموضوع سهل. المراحل السمان واحدة واحدة بقى -
00:24:33

عشان نفهم القرآن لازم نعدي على التمن مراحل دول. دي من المرحلة الاولى الوقوف على الآثار الواردة. عن رسول الله صلى الله عليه
 وسلم اما الصحابة وائمه التابعين في الآيات سواء ما كان يتعلق بفضائل السور او اسباب - 00:24:51
 او التفسير. بيقول مهم قوي طبعا ده القاعدة الأساسية. وهنفس في الموضوع دوت. انت لازم تقف على اه اه تفسير الرسول يقول
عليه الصلاة والسلام ان كان له تفسير في الآية ديت تقف على اقوال السلف تقف على ايه؟ تقف على اقوال التابعين وآآآ -

سواء مكان يتعلق بالايه؟ بالفضائل او اسباب النزول او التفسير. لان اه زي ما قلنا ان انك انت لو لو ما قربت الشحالات ديت ممكن تضل في فهم القرآن. تضل من باب ايه؟ من باب مسلا ان انت ممكن تفهم الايه فهم. اجمع السلف على انه فهم باطل - 00:25:31 تعرف منين اجمع السلف انه فهم باطل؟ لو انت اصلا مش عارف ايه؟ مش عارف اقوال السلف. او اصلا النبي عليه الصلاة والسلام حسم الموضوع وفسرها وانا شغال في ايه اصلا - 00:25:50

ده النبي عليه الصلاة والسلام قالها صريحة. طب انت بتلف رايح فين واحد مسلا يقعد تايي في اية مسلا ايه اه الذين امنوا ولم يلبسوا ايمانهم بظلم اولئك لهم الامن - 00:26:02

ايه فيها؟ بيقول طب الزلم دوت هل يفسر عن انه المعصية؟ وقد يفسر على انه الشرك وقد يا عم قد ايه ومش قد ايه؟ طب ما هي دي فيها اصلا تفسير للنبي عليه - 00:26:17

الصلاه والسلام خلصت. صح؟ هو الصحابة اصلا راحوا سأله. قال يا رسول الله اينا لم يظلم نفسه؟ قال ليس زاك. ليس زاك. على طول قال قال التفسير ده ايه غلط لو فسرت الزلم هنا بالمعصية غلط تفسير غلط فما يجييش واحد بقى بعد كده يقول ايه تحتمل الظلم هنا يتحتمل المعصية ويتحتمل خلاص - 00:26:27

خلصت انت بتتكلم في ايه؟ ما هو لو واحد مش عارف ما ورد عن الرسول عليه الصلاة والسلام من التفسير هيحصل مش كده؟ وزي ما ضربنا مسال قبل كده آآ مسلا واعبد ربك حتى يأتيك الايه؟ اليقين. فقعد يقول هل اليقين هنا المقصود به منزلة القلبية؟ ازا لو واحد وصل للبيقين - 00:26:47

في قلبه يبقى خلاص بيطل يبعد رينا وخلاص هو كده وصل بقى وزي الصوفية ما بيعتقدوا. يقول لك الرجال ده وصل. خلاص ما بيصليش بقى ما بيصومش. يقول لك ده وصل. وصل ليه - 00:27:07

في وصل اليقين ويستدل بحاجة زي كده تمام؟ فنقول لا هزا باطل ليه؟ لان اجماع السلف. على ان اليقين هنا بمعنى الموت. يبقى اللي يقول حاجة غير الموت يبقى قول - 00:27:17

رباط قطعا لان المصادر طب هنا لو مش عارف اصلا السلف قالوا ايه في الايه؟ في المسألة ديت. يبقى عادي ان انا هاصل كده. واحد بالك؟ آآ هنجيب امسلة على كده كتير. فبنقول ان معرفتك بال حاجات دي. معرفتك بأسباب النزول تفرق في فهمك للایة - 00:27:30 تفرق كتير ولما يجي الكلام عن اسباب النزول اه هنضرب مسال او خلينا نضرب مسال سريع قول الله تعالى مسلا ان الصفا والمروة من شعائر الله. فمن حج البيت او اعتمر - 00:27:47

فلا جناح عليه ان يتطوف بهم. مسلا لا جناح عليه. كلمة لا جناح يعني ايه؟ يعني ما فيش مشكلة تسعى. فاللي ياخدها كده يفهمها كده لوحدها من غير اسباب النزول هيقول السعي في الحج والعمرة؟ جائز ومباح - 00:28:02

جاهز ومباح لان رينا قال ايه؟ ما في يعني ايه زي معنى كده ايه؟ ما فيش مشكلة اللي عايز يسعي يا جماعة ايه؟ يسعي. فازا حكم السعي في الحج جاهز مباح - 00:28:20

فمن تركه لا اثم عليه. ووجه صحيح ده لو واحد فاهمها كده. هو رينا قال كده. فمن حج البيت واعتمر فلا جناح عليه. ان يطوف به. او انت تحج لو عايز تسعى ايه؟ ما فيش مشكلة تسعى. لو انت مش فاهم سبب النزول - 00:28:32

هو سبب النزول اصلا الصحابة كانوا بيسعوا لما جم يسعوا حسوا بحرج في نفسهم. ليه؟ لان هم زمان ايام الشرك كان في صنم على الصفا وصنم على مروة فكانوا هم بيسعوا علشان الصنمين دولا. فلما جت الشريعة برضه بالسعي بين الصفا والمروة حسوا بحرج. نسعي يعني - 00:28:46

اكيد رينا قال لهم لا جناح يعني اسعوا. هنا مش بيقصص مش بياسس حكم السعي. انما بيرفع عنهم الايه؟ الحرج. بس فلو انا مش فاهم سبب النزول هضل في فهمي للایة ديت وهقول حكم السعي رغم ان السعي ركن في الحج يعني اللي ما يسعاش حجه باطل. فممكنا واحد - 00:29:06

يبيقول السعي ما فيهوش مشكلة. ربنا قال لا جناح يعني اذا آآآ شفت يعني فهمك لسان النزول ممكن يخليك تستقيم في فهم الايه؟ الاية. فضائل السور طبعاً وممكن مش هتأسر في اي في الاحكام لكن هو باب جيد يعني - 00:29:26

آآآ المرحلة الاولى خلاص. ايه المرحلة الثانية بقى؟ بيقول ادراك المعنى اللغوي. للكلمات الواردة في الاية. ومقارنة بما جاء عن السلف ثم الجمع بينهما لتحديد المعنى الكامل والصحيح للكلمة نفسها. خد بالك احنا عايزين الاول احنا - 00:29:41

هنا في حروف مبني هتكون لي ايه؟ كلمة. وحروف معاني. حروف معاني بتفيدني في المعاني. طب الكلمة نفسها؟ اه الكلمة. الكلمة دي موضوعة. ما انا عشان افهم الجملة لازم افهم الكلمة وافهم الحروف المعاني. خلاص كلامني عن حروف المعاني. يبقى لازم افهم الكلمة. افهم الكلمة ازاي؟ انا دلوقتي قدمي كلمة في القرآن - 00:30:01

افهمها ازاي لازم نفهم ان الكلمة القرآن في ترتيب معين في فهمها واحد طه كاش ممكن نكتبه. اول حاجة علشان تفهم الكلمة في القرآن اول معنى بتنظر فيه المعنى الشرعي - 00:30:20

للكلمة. يعني هل الشريعة جاءت بمعنى هذه الكلمة ليه المعنى الشرعي؟ ممكن يكون المعنى الشرعي غير المعنى الايه؟ اللغوي فالانسان ما ينفعش يخش يفسر الكلمة لغويًا قبل ما يعرف هل لها معنى في الشرع ولا لا - 00:30:40

بمعنى الكلمة الصلاة معناها اللغوي ايه؟ الدعاء لكن معناها في الشريعة هي الحركات المعلومة في الاوقات المعلومة القصة المعروفة. فلو واحد فسر بس القرآن باللغة بس دون الرجوع الى الشريعة سيفسر كلمة - 00:31:03

الصلاه في كل مواطن بالايه؟ بالدعاء. ويقول لا دليل في القرآن على وجوب الزهر والعصر والكلام دوت. لانه فسر الصلاه بالايه؟ بالدعاء تمام اتوا الزكاة. هيفقول الزكاة هنا معناها تطهير النفس. على اعتبار ان ده معنى ليه؟ اللغة. فينفي تماماً - 00:31:19

ان في حاجة في الشريعة اسمها دفع مال وحق والكلام دوت. فنقول لا غلط دي قواعد عشان تفهم الكلمة في القرآن الاول بتقول هل لها معنى في الشرع جاء به الشرع - 00:31:39

لو جاء الشرع بمعنى محدد الكلمة دي خلاص. تقف على المعنى الايه؟ الشرعي. لا ما لهاش معنى شرعي. عادي هي هي على اطلاق كده. هتسأل نفسك السؤال الثاني - 00:31:49

هل الكلمة دي عند العرب كان لها معنى عرفي يتبادر الى الذهن لو لقيت معنى عرفي كان العرب متعارفين على ان الكلمة دي معناها كذا. فالاصل تقديم المعنى العرفي. على المعنى اللغوي - 00:32:03

لان الخطاب لما القرآن خاطب الناس خاطبهم بما؟ بما يفهمون فلما الكلمة دي اتقالت فهموها ازاي هيفهموها على العرف اللي ايه؟ اللي هم بيستعملوا فيه الكلمة ديت. لا ما فييش عرف للكلمة ديت هننتقل للمعنى لايه؟ اللغوي - 00:32:23

شفت بقى المعنى اللغوي فين؟ تالت مرحلة. بعد المعنى الشرعي والمعنى الايه؟ العرفي عند من نزل عندهم القرآن. مش معنى عرفي بتاعك القرآن نزل على الناس ديت. فتشوف هل العرب كانت بتفهم الكلمة دي بمعنى معين عرفاً - 00:32:40

اه يبقى ده الاصل ان يقدم المعنى دوت. لا يبقى ننزل المعنى الايه؟ اللغوي عادي فلذلك لازم نفهم الكلمة لان الكلمة ممكن تأتي في موطن بالمعنى الشرعي وفي موطن تاني بمعنى لغوي. طب ايه اللي يفسر لنا الكلام دوت؟ السلف او فعل الرسول عليه الصلاة والسلام - 00:32:59

مسلا اقيموا الصلاة. ايه معناها يعني صلوا الضهر والعصر والعشاء. طيب ربنا قال ولا تصلي على احد منهم مات ابداً. هنا الصلاة معناها ايه صلاة الجنازة صلاة الايه؟ الجنازة ان هنا السياق وفعل النبي عليه الصلاة والسلام هيفسر لي الكلمة دي. قوله تعالى - 00:33:16

آآآخذ من اموالهم صدقة تطهيرهم وتزكيتهم بها صل عليهم. ما معنى صلي عليهم هنا؟ ادعوه له شفت نفس الكلمة الصلاة جت في تلت مواطن كل مواطن بمعنى يبقى انا لو ماشي كده سبهللة من غير قواعد ولا سياق طب ايه اللي خلى - 00:33:41

خليني افسر صلي علي نجيب الدعاء. فعل النبي عليه الصلاة والسلام. خد بالك من الحاجات اللي بتفسر القرآن. في واحد يقول لك هو ليه النبي ما قالش تفسير القرآن كله؟ ما هو النبي فسره. بس تفسيره على درجات - 00:34:01

كان يفسر بقوله ويفسر بفعله يفسر بتقريره وما والباقي كان يتركه لفهم العرب لأن أصلًا أغلب القرآن هو كلام عربي عادي. يعني مش
مححتاج بيا.. العرب تفهمه بالسلقة بالغتها العادي. فـكـاـ: يـفـسـرـ لـهـمـ ماـ بـشـكـاـ. عـلـيـهـمـ أـهـ 00:34:11

وما يحتاج الى تبيين بقوله او بفعله. ففسر اقيموا الصلاة بفعله صلوا كما رأيتمني اصلح هي دي اقيموا الصلاة. وصل عليهم في الصلاة اذاء ؟ قالوا النب . صل . الله عليه وسلم اذا حاءه احد بالصدقه كان - 00:34:33

قل اللهم صل على آل فلان وكان يدعوه له. يبقى هنا عرفنا نصلي عليه معناه ايه؟ وادعوا له. فازا انا عشان افهم بص ده هنا بربط المراحلة الاولى ، المراحلة الثانية. عشان افهم لازم ابق ، عارف - 00:34:50

المعنى اللغوي وقبلها اعرف ما ورد عن النبي عليه الصلاة والسلام وورد عن السلف. عشان اعرف هل هافسرها بالمعنى اللغوي؟ ولا اصلا في اثار عندي تقوا، لا دين لها معنى - 00:35:04

شرعي ما تستعجلش وتفسرها باللغة قبل ما تفهم معناها اليه؟ الشرعي. واحد بيجي ينكر الصيام يقول ما فيش حاجة اسمها صيام في الشريعة. الصيام هنا في الشريعة معناه اليه؟ معناه - 00:35:14

فلن أكلم هنا الصيام بمعنى السكوت طب دينا يقاو، كتب عليكم الصيام ايه الله، يخليني، ما افسرهاش، ان هي - 00:35:24

السکوت فعل النبي عليه الصلاة والسلام كان اذا جاء رمضان يصوم يعني واجماع السلف ان الصيام هنا بمعناه الانقطاع عن الطعام والشراب الايه القصة اللي انتم عارفینها. يعني يجیش واحد بقى يضللنا. ما هو دلوقتي التلاعيب بالتفسیر بقى سهل. مسال من باب اابه باب اللغة - 00:35:42

هنقول له اترد عليه يابيه؟ النبي في الصلاة مسلا عكس كده. ده اجماع - 00:36:00

السلف على خلاف ذلك. لا ده اقوال التابعين والصحابة ما فيش حد قال الكلام دوت تقدر ترد الايه؟ الكلام. حتى المعنى اللغوي. لازم المعنى اللغوي يبقى واحد لغته صحيحة. شووية مسلا يفسر معنى اللغة بالمعتارف عليه بين الناس. مسلا يقول لك سبحان الله شف يا أخي، القرآن سمة العصر الحديسي، 00:36:20

هنا ذكر العربيات في القرآن. فين يا اسطى؟ وجاءت سيارة. فارسلوا والدهم. فادلى دلوة. شف بقى القرآن سبق العلم وبتابع ويخلبي الناس تضحك على القرآن سيارة هل معنى اللغوى للسيارة هو العربية - 00:36:40

د ه عرفک انت ده معنی عرفی مش معنی لغوي وعرفنا احنا. يعني حتى اصلا ده ما بيستعملش. عرفک انت. يعني حتى مش عرف اللي نزل فيهم. عارف لو السيارة دي معناها في عرفان عربية - 00:37:01

السيارة زي ما عندك. لا ده انت حاكمت - 00:37:15

القرآن للمعنى العرفي اللي عندك في العصر الحديث والقيت بكل كتب السلف ورميتها ورا ضهرك. وقاعد تقول ايه ما شاء الله وجاءت سيارة وارسلها والدهم مسك القرآن ذكر العربيات قبل اي حد. نقدر نضحك بقى ضحك الناس علينا. اهو مسلا ايه يقول لك بقى ايه القرآن - 00:37:25

الايه في هندسة وجبر وبتابع وحسام مسلسات فين يا عم؟ آآ يا معشر الجن والانس ان استطعتم ان تنفزوا من ايه؟ اقطار السماوات قال لك زكر القطر ونص القطر بقى وايه والمساحات ونقدر حسب ونبني بقى؟ ايه يا عم؟ هي القطر هنا هو الحساب مسلسات؟ اقطار يعني، نواة - 00:37:45

قطر يعني ناحية يعني المعنى اللغوي العادي. فشووف لو واحد حمل القرآن على عرفي كلمة قطر عندنا بيتقال لك نص قطر وقطر بفهم دائرة ونق والكلام دوت والكلام ده لكن هل السلف يفهموا قطر اللي هو قطر الدائرة؟ نص قطر الدائرة قطر اقطار يعني نواحي

شف انت معنى لو انت مش فاهم واحد يقول لك ده معناه في اللغة. اللغة بتاعتك. بس مش لغة العرب الصحيحة الاصيلة. فهي مش اي حد يهدى نمشي وراه. خد بقى في الاعجاز العلمي بقى هبد كتير من كده بقى. واحد بالك - 00:38:28

عشان كده انا لازم افهم المعنى اللغوي عشان هحتاجه. لو انا ما لقتش معنى شرعى للكلمة. وما فيش معنى عرفي عند من نزل في يوم القرآن. هروح المعنى اللغوي. وده كتير لأن كتير جدا من كلمات القرآن هي كلمات عربية عادية ما لهاش لا معنى شرعى ولا معنى عرفي. ده غالب القرآن كده. فده اساسي - 00:38:46

افهم اللغة. اعرف الكلمة دي في اللغة عند العرب كانت معناها ايه؟ و Shawf بقى السلف قالوا ايه فيها؟ وقارن اقوالهم ببعض والكلام دوت عشان من مجموع اقوالهم احدد هو الكلمة دي مقصودها ايه؟ وليه بقول تفسير السلف؟ ان هم اصلا اهل اللغة. فلو ابن عباس قال الكلمة دي معناها كذا يبقى ده معناها في - 00:39:06

اللغة يعني هو لو هو بيفسره لغويها. ولو قال واحد تاني معناه كذا يبقى هي معناها كده وكده. في لغة العرب. الناس دي هم اللغة. عشان كده ده هنقول ليه بناخد تفسير الصحابة والتابعين؟ لأن دول اهل اللغة - 00:39:26

الصحابة هم اللي نزل فيهم القرآن والتابعين كان في زمانهم اللغة صحيحة ما حصلش عجمة في لسان الناس. ما دخلتش اخطاء في اللسان. كانوا لسه اللسان سليم. فدول لما يفسروا لغويها خده وانت عماني - 00:39:41

ما فيش غلطة عندهم في الايه؟ في اللغة فهمنا الحة دي طيب بعد كده بيقول لنا المرحلة الثالثة معرفة دالة حروف المعاني التي تربط بين الكلمات. خلاص دي عدينها صح - 00:39:58

المرحلة الرابعة معرفة دالة الجملة بقى. وما يتعلق بها كدلالة الجملة الاسمية والفعلية واثر التقديم والتأخير. نضرب مثال الجملة انا بمسك الجملة دلوقتي خلاص طلعت من الكلمة وعرفت ازاي بنفس الكلمة كلمة معنى شرعى معنى عرفي معنى ايه؟ لغوي حروف المعاني هيبقى فيها خلاف معنى يدل على ايه - 00:40:12

الحرف يدل على ايه؟ اقدر من خلال اكون الجملة. وابتدي ابص للجملة. الجملة بقى اللي طلعت في الاخر اسمية ولا فعلية؟ اه الاسمية تدل على كذا. الفعلية تدل على كذا. هطلع معنى جديد - 00:40:32

زي مسلا آآ لما تجد في التفسير آآ الملائكة دخلت سيدنا ابراهيم قالوا سلاما قال ايه؟ سلام فما لبس ان جاء بعجل حدث. فتجد التفسير ويقولون وكان سلام ابراهيم افضل من سلام - 00:40:42

وانت قاعد ايه؟ مش فاهم اي حاجة. طب هم دول قالوا سلاما. وهو قال سلام. ليه هو احسن منهم قالها بشكل احسن شوية لأن هم قالوا سلاما. سلاما دي يعني تقدير الكلام نسلم عليك سلاما - 00:41:02

ولكنه قال ايه؟ سلام يعني جملة اسمية. سلام عليكم. معلش اسلم يعني ايه؟ يعني الاولانية جملة فعلية. الثانية جملة ايه؟ اسمية. والجملة الاسمية تدل على ايه؟ على التبوت والاستقرار. يعني هو سلام ثابت مستقر. واما سلام الملائكة فهو سلام - 00:41:21

فجدد يعني كل مرة هنسلم لكن هو ليس سلاما دائم ايه؟ مستقر. بقى كلمته ابلغ من ايه؟ من كلمتهم. زي ما في اول واحد مسلا ايه واحد يقول لك ايه اسلم عليك سلاما. فرحت انت قلت السلام عليكم. كلمتك احسن من كلمة لأن انت كلمتك جملة اسمية تدل ان السلام ده - 00:41:46

النهاردة بكرة سلام عليكم. لكن انت دلوقتي سلمت عليها الان المرة الجاية هستنى منك سلام تاني هو كلمته ابلغ من ايه؟ وفي وسط كنا قلنا مسال قبل كده في الرسالة وما كان الله ليعذبهم وانت فيهم وما - 00:42:06

كان الله معذبهم وهم يستغفرون. قال ليه؟ قال قال هات جملة فعلية لما كان جاب سيرة النبي عليه الصلاة والسلام. وقالها جملة اسمية لما ذكر الاستغفار قال لك ان النبي عليه الصلاة والسلام مش سابت هيموت. فذكرها بجملة فعلية ما كان الله ليهعذبهم وانت فيهم؟ وذكر جملة اسمية في - 00:42:24

لما زكر الاستغفار لأن الاستغفار ايه؟ دائم وما كان الله معذبهم. وهم يستغفرون ان الاستغفار مش هينقطع في الامة. فالنهاردة بكرة

القاعدة دي شغالة لكن النبي عليه الصلاة والسلام مجرد ما مات خسرت واحدة من اسباب الایه؟ عدم التعذيب. شفت الحنة دي؟

فيبيقى اسر التقديم والتأخير والله التقديم والتأخير - 00:42:44

الخير هييفيد ايه؟ ليه ربنا قال اياك نعبد؟ ما قالش نعبد اياك هنشوف بقى ليه؟ الكلام دوت. المرحلة الخامسة فهم دالة السياق. ودي

كلمتين السباق والایه؟ واللحاد سهلة. المرحلة السادسة الاحاطة بالمقصود العام - 00:43:04

الصورة. الموضوع ده بيديك روح كده للصور. بتقدر على اسر ذلك تفهم مواضعها. ما هي السورة فيها غالبا وده موضوع اجتهادي.

اجتهادي جدا ويتحمل اجتهادات كتيرة. ان انت تقدر تطلع موضوع واحد للصورة - 00:43:23

انت تقول الصورة دي تدور حول كذا فده عايز مجهد كبير. وعايز واحد فعلا يعني قلب السرعة على الآخر. بس فيه صور تبقى

واضحة سهلة. وممكن يكون فيه صور جه فيها اقوال عن السلف اصلا. كما يقولون مسلا سورة النحل سورة النعم - 00:43:40

ده ده دي الكلمة دي تتسيف على طول. ده تفسير موضوعي. اذا انا لما هقرأ سورة النحل بعيش في الكلمة ديت ان هي بتتكلم عن

ايه؟ عن ده بيخليني في جو كده وانا شغال فيها - 00:43:59

اديني معاني وانا شغال فيها. هعرف ايه الله! هو ليه ربنا قال دي هنا؟ وليه قال؟ اه ما هي سورة النعم. سورة الانعام. سورة التوحيد.

كلها بتتكلم عن التوحيد. ودلال التوحيد والرد على الشرك والكلام دوت. تمام؟ آآ في بقى احيانا اجتهادات. مسلا واحد يقول لك سورة

البقرة سورة التقى - 00:44:14

ان اكتر كلمات جت فيها لعلكم تتقدون لعلهم يتقدون وهكذا. واحد بالك؟ يعني هتلاقى فيه الكلام ده فيه مرونة شوية واحد يقول لك

سورة النساء صورة حقوق الضعفاء النساء اليتامي تلاقى كل الصورة بتدور حولين الایه؟ المعاني ديت. ففهمك للموضوع العام برضو

بيديك معنى وان كان ده مش ضروري - 00:44:34

عشان كده خليها في المراحل الایه؟ بص الاخيرة. بس احنا بنتكلم في المراحل اللي فاتت او الخمسة دول مؤسرين جدا. جدا. من اول

ستة سبعة تمانية الاسر بيتدى يقل. يعني انا ما بفهمش موضوع الصورة هيأسر اوبي؟ مش قوي بس يعني الافضل ان انت تكون حاول

ملم هي صورة بدون - 00:44:56

حوالين ايه؟ صح؟ بعد كده بيقول بقى خد بقى المرحلة السابعة. جمع الایات التي تنزلت في الموضوع نفسه من القرآن كله ليكتمل

المعنى المراد للایة ده بقى انك انت عرفت الصورة بتتكلم عن ايه؟ هات بقى نفس الایات اللي قالت نفس الموضوع من كل القرآن.

وجمع كل ده هتفهم الموضوع من كل - 00:45:16

من النواحي. زي مسلا قص الانبياء. احيانا اما تمسك القصة في حنة واحدة ما تباقاش فاهمها كلها. تيجي تمسكها في الاعراف مع

يونس مع العنكبوت تكتمل الصورة عندك اه ده حصل كده وهو الاول راح يعني ايه تبتدى تقدر تقرأ الایه القصة كويس. لكن لو خدتها

في موطن واحد بس ممكن يلتمس عليك - 00:45:36

مشهد من مشات بتفهمي هي الدنيا مشيت ازاي او السياق ماشية ازاي. فيبيقى تجمع الایات اللي بتتكلم عن نفس الموضوع في كل

الایة؟ في كل السورة. واحيانا فالایات بجمع يخلبك تفهم فهمك فهم تاني. مسلا قوله تعالى - 00:45:56

آآ قوله تعالى آآ يا ايها الذين امنوا اوفوا بالعقود احلت لكم بهيمة الانعام. الا ما يتلى عليكم ده ده هيرجع بقى. بيقى

ندور على اية اليه في نفس الموضوع قبل المائدة. هتجد مسلا في الانعام. قل لا اجد فيما اوحى الي محرما على يعني - 00:46:14

عمري ما هفهم الایة دي الا وافهم الایة اللي في نفس سياقها. في سورة تانية. المرحلة التامنة بقى بيقول بقى دي بقى ايه؟ يعني

يعني زيادة خالص بقى. اللي هي - 00:46:44

هتديك روح كده ومعاني. بيقول تجيب بقى ايه؟ كلام السلف مش كلام سلف التفسير. يعني تدبرات السلف. آآ قصة للسلف له علاقة

بالایة ديت. بيقول بقى العناية بتدوين اخبار وقصائد الائمة سلفا وخلافا مع القرآن. ثم الاستشهاد بها في محلها في التفسير. يعني مسلا آآ

- 00:46:54

ان مسلا فالان سمع الایة ديت مسلا حصل له كذا فالان لما حصل له كذا قرأ عليهم الایة ديت هتشوف الوطن اللي اتقالت فيه الایة.

والسلف استعملوها فين؟ كانت قصة عادية مش تفسير. بس هو قال الاية دي في الموطن ده. فبديك معنى - 00:47:14

والله ابن عباس لما راح يجادل الخوارج استدل عليهم بالالية دي تديك معنى. يقول والله فلان لما قرأ الهدى بكى ولما سأله بتبكي ليه؟ قال والله زكرت كذا في كذا. ما لهاش علاقة بالتفسير. بس ده معنى. فده بيديك ثراء - 00:47:32

مش تفسير بس بيديك ايه؟ ثراء في المعاني. ما تجمع بقى القصص بتاعة السلف دي حوالين الاية. ويا سلام لو انت لك برضه تدبرات او انت لك قصص مع الاية دي - 00:47:51

اوه يبقى انت كده عديت فهمت الاية كده توصل لعمق في التدبر. عمق في التدبر. شفت بقى المراحل الجميلة ديت. بعد كده بقى قال لنا اول حاجة قبل ما يبدأ الحق اقول لكم بسرعة كده بعض الكتب النصائح. لأن هو لما قال لنا اول حاجة تهتم بالالية؟ باقوال السلف - 00:48:01

طب واحد يقول لك طب ايه اين اجد اقوال السلف؟ هنقول له والله تجد اقوال السلف في التفسيرات التي اعنتت بسرد اقوال السلف حول الايات زي على رأسهم طبعا الطبرى تفسير الطبرى هو - 00:48:23

يعنى ابو التفاسير كل التفاسير بتاخذ من الطبقتين في الآخر. الطبرى لأن الطبرى كان من الايه؟ القرون الاولى. كان قريب جدا من عصر التنزيل فكان محظوظ باقوال السلف. غير طبعا يعني ان هو كان خارق في الحفظ. فالامام الطبرى هو اكتر تفسير جامع لاقوال الايه - 00:48:37

السلف وفيه مختصرات له وكده. بس ده طبعا كتاب كبير قوي. ممكن لو صعب عليك الطبرى تقرأ ابن كسيير. ابن كسيير يعتبر نوع من الاختصاص للطبرى ذكر جملة كبيرة من اقوال السلف. وان كان مش كل اقوال السلف. بس هو الايه؟ ذكر اهم اقوال السلف حوالينا ليه؟ الايات. وابن كسيير نفسه له - 00:49:00

برضو مختصر من أشهر مختصرات ابن كثير عمدة التفاسير الشيخ احمد شاكر عمدة التفاسير للشيخ احمد شاكر والمصباح المنير صباح ده جميل قوي بقى. هل المصباح المنير مختصر تفسير ابن كسيير؟ لمجموعة علماء على رأسهم المبارك فوري. بس هو مشهور بالمصباحي ليه؟ قال - 00:49:22

معك ايه بيقول لنا تفسير الدر المنصور في التفسير بالمؤلف. مؤسورة الاسرار يعني اللي جت على النبي والسلام. ده للامام السيوطي يلوي التفسير الصحيح لدكتور حكمة ابن ياسين كتب بقى التفسير اللغوي اللي اعنتت باللغة والبلاغة. طبعا على رأسهم وذكر في الآخر بس هو مهم جدا والتحrir والتنوير لابن عاشور - 00:49:48

التحليل والتنوير للناشر الطاهر ابن عاشور. وكتاب تفسير يعني تفسير ابن عطية وتفسير البيضاوي وتفسير ابي السعود. كلام طبعا هيبقى ازاي لكم كبير تقيل بس على الاقل انت عارف المعلومة. ان شاء الله بكرة لما تتعلم وتترقى في كتب التفسير يوم في الايام هتوصل للكتب دي وصدقني هتلاقيها سهلة. بس - 00:50:13

امشي بالترتيب. انت الان حاسس ان الكتب دي ياه! ده انا مستحيل افتح الكتاب. كنا بنقول كده زمان تبص الكتب في مكتبة المسجد كده تبقى خايف اصلا تقرب تحرق او حاجة كده فاهم؟ يحصل لك حاجة ممكن تشنل لو قررت الكتاب هو ايه ده هو الكتب دي تقرأ؟ عارف - 00:50:33

الاحساس ده والسبعين مجلد ده في حد بيقرأهم انت ان شاء الله هتقراهم وهتفهمهم هتلاقاهم سهلين. الموضوع بسيط شوية قواعد بس تمام بيقول بقى تفسير اعني بالفوائد والتربيه زي تفسير الساعة دي وايسير التفاسير الجزائري وبعد كده زكر مجموعة من المعاجم اللي ممكن تستفيد بها - 00:50:50

في موضوع الايه؟ انك تطلع المعنى. اللغوي بعيد عن القرآن. معاجم عاديّة بتطبع لك المعنى ليه؟ اللغوي طبعا بعد كده هيبدأ لنا بالالية؟ بالمرحلة الاولى خلاص طالما احنا يعني وقفتنا في مكان كويس خدنا عشرين صفحة وزي الفل يبقى خلينا ايه نبدأ المرة القادمة من المرحلة - 00:51:11

طبعا احنا النهاردة اسستنا بس شوية. بس بعد كده هيبقى ايه؟ هنحاول نجري شوية. آآ عشان حاول ما نطولش في الكتابة عايزين

نخلصه في من تمن لعشر مجالس بالكتير. عشان ما نطولش فيه يعني. الكتاب روعة يا ريت اه نكمل مع بعض. ما حدش يريد. ما

تکسل - 00:51:44

ان انت لو فاتك درس ما جتش انك انت تسمعه وحاول تقرأ تحضر ان شاء الله لما تيجي تفهم احسن لما تبقى قاري ومحضر ان شاء الله المرة الجاية نبدأ - 00:52:04

بفضل ايه؟ في المرحلة الاولى اللي هي الكلام على آثار الواردة عن الرسول. والسلف هيكلم بقى في حاجات مهمة جدا. هتكلم ايه اللي ايه الوارد عن الرسول اصلا والسلام. كان اسباب النزول - 00:52:14

فضائل القرآن فضائل الصور والآيات. طب الفضائل دي هتتعامل معها ازي ان في ناس توسعوا في موضوع الفضائل وذكروا احاديس موضوعة. وفي ناس شددوا قوي حتى في حديث ضعف يسير يقول لك لا ما يتقبلش. انهي منهج صح. اسباب النزول - 00:52:26

النزول دي اللي بيعرف اي اسباب نزول بيتوهه دايما هات اي كتاب اسباب نزول هتلaci نفسك تهت ليه؟ تقرأ الآية وتقرأ تحتيتها عشر اسباب نزول. واحنا فين؟ وغير بعض يعني عكس كلهم ما لهمش علاقة - 00:52:43

نزلت في كذا ونزلت في كذا. تيجي انت قاعد طبعا ايه؟ متنج مش فاهم ايه؟ مش فاهم ايه حاجة. تيجي تقول للشيخ عايز عايز عايز كتاب في اسباب النزول. يقول لك اقرأ كذا. كذا مسلا - 00:52:58

تقرا طبعا ايه؟ مية مية مش فاهم ايه حاجة. نفس الفكرة انت ما عكس الادوات المرة الجاية هنقول لك التيكة الزتونة اللي تقرأ بها كتاب اسباب نزول تعرف فين سبب النزول - 00:53:09

من العشرة دول تقدر تحده قاعدة بس هي مشكلتنا احنا مش عارفين عارفين القواعد اعرف القاعدة زي ما انت تعرف مسلا ايه مش عارف هو بيقرأ القرآن ازاي قالوا لك والله النون المشددة - 00:53:22

بدأ يعمل معه غنة خلاص اي نون مشددة هعمل معها غنة وخلاص استريحت دماغي. فكذلك ان اذان زول اقول لك والله خد بالك. امشي بقاعة دي واحد اتنين ثلاثة اربعة هتعرف - 00:53:32

تفهم اسباب النزول. طب لما يحصل آآ اقوال السلف تتعارض او تتنوع عموما فيه كذا قول. هل اعمل ايه؟ هجمع بينهم؟ طب افرض متعارضين هعمل ايه؟ طب ارجح ازاي؟ هيبقى يناقش بقى الآية - 00:53:42

كل الكلام ده هتلaci الدنيا منورة معك. الدنيا سهلة وجميلة بس شوية ايه؟ شوية قواعد. فيا ريت نحافظ ونسبة وايه ونشجع بعض اصحابنا معنا. جزاكم الله خيرا. سبحانك يا رب ربنا وبحمدك اشهد ان لا اله الا انت استغفرك - 00:53:59